

豐城縣志卷之十二

人物<sub>四</sub>

明

楊廉字方震一作方正崇子。幼承家學。早以文行稱舉。成化末年進士。改庶吉士。弘治三年授南京戶科給事中。明年京師地震。劾用事大臣。五年以災異上六事。一經筵停罷。時宜日令講官更直待問。二召用言事。遷謫官不當限臺諫。及登極以後。三治兩浙三吳水患。停額外織造。四召林下恬退諸臣。五刪法司條例。六災異策免大臣。未言遇大政宜召大臣面議。給

豐城縣志

卷十二

人物

一

事御史隨入駁正。帝頗納之。吏部尚書王恕被讒。廉請斥讒邪無爲所惑。母喪服闋起任刑科。請祀薛瑄。取讀書錄貯國學。明年三月有詔。以下旬御經筵。廉言故事經筵一月三舉。苟以月終起。以月初罷。則進講有幾。且經筵啟而後日講。繼之。今遲一日之經筵。卽輟一旬之日講也。報聞。以父老欲便養。復改南京兵科。中貴李廣死。得廷臣通賄。籍言官劾賄者。帝欲究而中止。廉率同官力爭。竟不納。已請申明祀典。謂宋儒周程張朱從祀之位。宜居漢唐諸儒。上闕里廟。更當立木主。大成本樂名。不合謚法。皆不果行。遷南

京光祿少卿。正德初就改太僕。歷順天府尹。時京軍數出。車費動數千金。廉請大興遞運。所餘銀供之。奏免夏稅萬五千石。慮州縣巧取民財。置歲辦簿。吏無能爲奸。乾清宮災。極陳時政得失。疏留中。明年擢南京禮部右侍郎。上疏諫南巡不報。帝駐南京。命百官戎服朝見。廉不可。乞用常儀。更請謁見太廟。俱報許。世宗卽位。就遷尚書。廉與羅欽順善。爲居敬窮理之學。文必根六經。自禮樂錢穀至星歷算數。具識其本末。學者稱月湖先生。嘗以帝王之道莫切於大學。自爲給事。卽上言進講。宜先大學衍義。至是首進大學

衍義節略。帝優詔荅之。疏論大禮。引程頤朱熹言爲證。且言今異議者。率祖歐陽修。然修於考之一字。雖欲加之於濮王。未忍絕之於仁宗。今乃欲絕之於孝廟。此又修所不忍言者。報聞。八疏乞休。至嘉靖二年。賜勅。馳驛給夫廩。如制家居。二年卒。年七十四。贈太子少保。謚文恪。

李漢字充昭。豕宰裕之姪。登成化丁未進士。選翰林院庶吉士。除刑科給事中。轉工科都給事中。性沉默寬裕。持重知大體。不銜皦皦名。常奉使寧藩。贖金一無所受。周藩與巡撫大臣交惡。奉詔往訊。奏云。待宗室

當以恩處。大臣當以禮。周藩得無事。巡撫移他處。遂  
兩釋處分畿內籍地。戚里大闔俱斂手。割正。無敢有  
私干者。初爲庶吉士。冢宰時。方邸長安西。而漢儻居  
必極其東。朝暮里巷如寒微。不以家聲自耀。未及大  
用而卒。朝論惜之。嘗與羅圭峰玘以文相友善。及卒  
誌其墓。有曰。使夫人無死。吾見敝車羸馬以朝者。吾  
見慟哭裂麻者。蓋極其許可云。

徐袞字文欽。火巷人。性行剛方。潛心理學。受業於張東  
白。陳白沙二先生。嫻詩文。和督學李崆峒。曲江亭韻  
李。大竒之。應正德丙子貢。授應山學。博善造士。晚年

豐城縣志

卷十二 人物

三

學益勤。常與楊文恪。莊定山。麥秀夫同講論。撫院傅  
應台出其門。題扁曰。理學儒臣。屢賓鄉飲。邑尹胡東  
巖親爲築室。年九十三卒。有東亭遺稿。

李萬平字維衡。湖茫人。賦性端毅。學務實踐。處燕私。虎  
蹲山峙。凜不可狎。自韋布與隆貴。語意態閒雅。曾不  
沮怍。卽素以桀。鶩聞者。猝然相遇。莫不欽聽。事寡母  
至孝。逆濠之變。威劫不屈。督學張東沙嘗題其枋曰。  
盛世逸才。萬平初視天下事。無不可爲。不偶於時。遂  
托歌咏以自見。所著有饑豹穴游桑榆諸集。子逢遂  
皆貴。貤封如其官。

袁勳字公珎。領弘治壬子鄉薦。援順昌尹。廉介有聲。陞守靖州。五開銅鼓。苗亂屢勦不靖。勳單騎入諭。乃稽顙歸。命歲納常稅。遷永州貳守。改常德。歷任二十餘年。清操篤行。終始不渝。陞南京宗人府經歷。先是卒業南雍。友人莆邑林照卒。惟幼男檣在行。勳捐貲代殯。遣已僕與檣扶柩歸。後檣登進士。以戶曹佐遷潯陽。推勳由常德之南都道潯陽卒。檣仍代殯護送抵家。人以爲厚德之報。

雷述字德紹。東城人。孝友忠亮。博洽群書。事母隆色。養得其歡心。弟幼撫愛甚切。義不分居。爲諸生時。理學

豐城縣志

卷十二 人物

四

黃仲昭首旌其行。爲多士勵。領弘治乙卯鄉薦。謁選試居第一。銓例應內擢。以策語忤闈瑾。外補保定郡。倅歲大祲。道殣相望。述繪流民圖。力請當道發粟賑之。所活甚衆。有賊劉六、劉七者。勢甚猖獗。備禦有方。屢挫其鋒。境內恃以無虞。人方之海沂。別駕云。母卒於任。徒跣護喪歸葬。初值大雨。旋霽。廬於墓。有群鳥飛集其所。皆以爲孝感所致。逆濠之變。人人竄匿。述獨攘臂與顧尹。佖定謀保障。且約吉州諸縉紳舉義。爲乂安社稷計。惜志未逮而卒。輿論頌之。舉祀鄉賢。以子賀貴。贈南京吏科給事中。

范兆祥字廷和再昌孫七歲作登堯山詩以竒童稱登弘治丙辰進士。選庶吉士。授檢討。應詔陳言。大略謂君后分主陰陽。且引紀伯姬叔姬事以諷。又謂團營官軍無益宜罷。歸三大營。通州倉糧宜并運入京倉。上謂事涉宮闈。非所宜言。下錦衣衛獄。贖杖還職。出爲涇府長史。上疏論計安民社三事。時議招南土民兵備邊。兆祥力言不教之民不宜驅而遠征。遂寢。在涇府抗論損冗賦罷暴征。王每嘉納之。以不附中人。復下錦衣獄。謫戍永州。尋放歸。兆祥有才名尚氣節。屢困踣未嘗沮抑也。

豐城縣志

卷十二

人物

五

熊卓字士選曲江人。性穎慧。十歲能作近體詩。弘治丙辰進士。授平湖尹政。豈弟民懷之。尋擢御史。爲都御史張敷華所器重。時雷震養鷹坊。卓疏陳時政得失。上嘉納。嘗奉勅勞軍居庸關。悉祛乾沒之弊。掌陝西道。按都督神英贓罪論如法。雖權貴莫之撓。出按廣東。投牒言冤者人人至前。言狀豪強股栗貪墨。下吏皆望風先遁。時逆瑾權傾中外。脂韋者多附之。卓獨抗節不屈。遂誣以奸黨。勒令致仕。尋卒。瑾誅。廷議方柄用。而卓不待矣。卓素以詩名海內。與李獻吉何仲默相頡頏。有熊士選集。

李縉字卿武。南湖人。幼負竒穎。篤嗜古學。性簡重於世。味澹如領弘治辛酉鄉薦。就銓試。最拜興化府同知。興夙稱難治。縉批郤導窾。動中其會。會泉卒叛。捧檄按之。如約首擊大俠。黃朝宣豪右歛迹。視篆福寧州。案無留牒條。止鎮守府餘銀。減鹽鈔三之一。州學傾圯。捐俸修之。縉外渾內廉。知人善鑑。尤加意培植士類。在閩九年。士夫有隱不負地。出不負人之贈。著有木軒存稿。

游潛字用之。長史弼之子。早負異質。敦孝友。嘗撫伯兄遺孤。讓產與之。諸風士者自邵文莊以下。目爲國士。

豐城縣志

卷十二

人物

六

登弘治辛酉鄉薦。肄業太學。文名藉甚。銓試第一。特授雲南賓州知州。賓俗慄悍。棘獠雜處。潛至敷以文教。禮義漸興。頑梗率化。有不悛者。輒寘之法。臺臣以能平寇三獎其績。且檄以弭海迤西屬。統馭事。兵戎土酋。令得節制。潛克副委任。旋予告道出貴州。遇苗亂。撫臣鄒留贊軍中。竟成平苗功。以歸杜門。博綜天文地理。人物器數。尤工詩文。著述甚盛。人高其學。行稱爲几山先生。

葉釗字時勉。邑鄆南巷人。登弘治壬戌進士。授南京刑部主事。見久繫淹滯者。皆制於貴戚。不敢決。請決之。

悉按如法。有中貴奪民蘆洲。歲收利不下五百金。判以歸民。應天諸府災。上荒政四事。尋進員外郎。武宗立。應詔上八事。中言宣大被寇。殺卒幾千人。監督中官苗逵妄報首功。乞召還候勘。宦官典兵於古未見。唐始用之。而宗社邱墟。我正統朝用之。而鑾輿北狩。自今軍務勿遣。監督鎮守者亦宜撤還。且國初宦官悉隸禮部。秩不過四品。職不過掃除。今請仍隸之部。易置司禮。俾供雜役。罷革東廠。移爲他署。斯左右不得擅權。而後天下可安。瑾見釗疏甚憤。釗又乞召還。劉大夏宥諫官戴銑等。瑾益怒。坐斷獄。誣誤逮至錦。

豐城縣志

卷十二

人物

七

衣獄削籍歸。南遊湖湘。往來嶽麓。石鼓二書院之間。尋朱張二先生遺跡。學者多從之遊。遂主講席於其地。瑾誅特起。禮部儀制司員外。詔至先七日卒。舒文節芬嘗謂少時聞儀制君之風。猶伯夷史鱗也。世稱爲豐川先生。祀鄉賢祠。湖南學者崇祀於石鼓書院。與朱子配。

按豐川集中。貴修蘆洲。怨訴於瑾。瑾以危言劫公。欲公二至其門謝罪。事卽解。公竟不一往。瑾益怒。因以事中。公廷杖。荷校落職。後歸旅舍。恬然鼾睡。邵二泉嘆爲夫子未見之剛者。

江淙字朝會潭之弟弘治己酉鄉試第二名登壬戌進士尋丁外艱服闋授南京刑部主事歷員外郎郎中凡九載讞獄詳明多所平反辯軍人張某強姦之冤釋徽人汪某刼囚之誣歛民程慶廣計買程大興頂名替死廉得其情寘慶廣於法百戶梁俊令白清打死遊僧更他司莫有決者淙竟以主使坐之摘伏發奸洗冤澤物類如此時姑蘇劉纓視部篆于屬吏少許可獨書淙考有學行交修刑名允當之語凡大獄必命重覈章奏非經閱稿不以上聞銓部遴才望者鎮壓邊郡擢廣西潯州府知府至則興學勸稼除繁

豐城縣志

卷十二

人物

八

節冗吏治爲之一新叅將房潤虐用其民糾繩不少貸未朞月民得息肩思明有叛爭上官者奉檄按治元兇黃鏐甘就戮獐賊侵潯當道議大舉屠之淙謂人命至重卒主招撫降者踵至僉稱神明太守正德丙子廣西鄉試爲外簾官以暴疾卒崇祀名宦士民懷德特建祠專祀之扁曰名賢駐地淙生平耿介孝友刑家清操蒞政學問精博著有雙岡集惜才大而不究

吳祺字貴德暘原人弘治己酉舉於鄉署欒州學正典南京文衡登己丑進士第授崑山尹先是貯粟僅三

千。用贖積至五萬有奇。以廉惠屬膺薦剡。召拜御史。卽疏請武宗隆聖德。勤聖學。拔名賢。遠邪佞。復條陳邊議十事。動切大體。王陽明謫龍場。逆瑾欲加害之。祺按黔護持無所避。宸濠奏請護衛。抗疏力爭。諫南征奪俸。期月拜大理寺丞。歷左右少卿。太僕寺卿。上馬政二十四事。著爲令。擢都御史。巡撫滇南。號令明信。不事煩苛。適土酋岑猛亂。計獲渠首數十人。釋其餘。尋卒於官。遠近哀之。奉勅歸葬。祺宏度樂易。務剷去厓嶿險谷之態。故所至無赫赫聲。去後人多懷之。涂敬字寅之。甘棠人。教諭瑄之子。登弘治壬戌進士。授

豐城縣志

卷十二 人物

九

行人司稱職。擢監察御史。巡視通倉。翦剔積蠹。殆盡。居喪哀毀。蔬素三年。足跡不入房幃。邑人稱爲純孝。起復按廣東。屹振風紀。粵寇猖獗。彌年不撤甲。乃厲將士計殄之。故相子都指揮使梁次攄。怙勢殃民。諸監司不敢發。敬曰。衣冠之盜不殄。而欲除山海之盜。不亦難乎。特疏劾實寘之法。其黨啣之。仁壽宮災。復疏時弊。極言元老大臣相繼而去。群臣抗疏。謫戍者。呂柟。馬卿等之降。過在可原。王相。王思之。死情尤可憫。張璉等倖取於捷。逕郭柟等遠逮於道途。莊田地土紛紛奏索。鹽商籍引。往往欽依錦衣衛之冒。濫弗

覈御用監之匠役。增收陳林等之權。本陸宣等之乞俸。先朝弊政漸次踵行。此皆臣等學不足以格君心。以致政多闕失。上干天和。乞賜罷黜。疏入報聞。陞廣東按察副使。兵備瓊州。知梁黨將修怨。亟乞休。尋改湖廣。竟爲流言構誣。罷歸杜門數十年。書刺未嘗一入公府。太宗伯霍韜稱其不忝古名御史。疏薦之。凡五上。俱不報。敬峻節雅度。動遵古禮。堪作時流砥柱。李充輝。南湖人。爲德陽簿。清白自勵。慷慨多大節。先是龍州彝酋叛。拒歷年前後招諭。皆莫得其要領。克輝持檄往爲陳朝廷撫御恩。且歷舉自昔梗化之禍。又

豐城縣志

卷十二

人物

十

却其贈金。酋畏服。遂感泣。與充輝偕詣臺院。數其罪而宥之。反側遂定。祀名宦。

鄧鏞。字朝器。密嶺人。家貧嗜學。精於易。領正德丁卯鄉薦。授隨州學正。歷邳州安州寧國校官。所至多成就。嘗捐俸修文廟祭器。四典文衡。遷漢陽令。吏事精敏。每單騎出省。民瘼有撤。虛糧并疲里科。餘田籍新戶。諸奏議時稱漢陽第一令。陞平度知州。捕滅蝗災。獲盜賊萬計。不以毫忽自污。去之日。行李蕭然。士民作生祠祀之。歸田二十餘年。蔬食布衣。清約如寒士。李金字宣之。瓏之姪。登正德戊辰進士。授碭山令。時流

賊猖獗。築重城防守。後河溢。籍爲保障。民德之功未竟。而寇奄至。坐謫吳江丞。累陞兵部郎中。武宗南巡。與同官伏闕諫。杖於廷。下獄濱死。嘉靖初。遷台州守。懲奸慝。弛鹽禁。蠲逋賦。歲饑。易穀鄰郡。以爲賑。復捐俸作糜飼之。所治不可勝計。以疾引歸。台民攀留不釋。生平力學清儉。蔬布之風。至老不渝。及卒。督學徐少湖採輿論祀於郡庠。碭山祀於名宦。

朱槩字尚節。杭橋人。登正德進士。知吳縣。以忤顯者。改令旌德。故俗多溺女。力爲諭禁。俗頓革。再任曲周。招恤流亡。饑民復業者五十餘戶。築河隄以捍水患。民

豐城縣志

卷十二 人物

十一

永賴之。薦陞刑部主事。歷員外郎。疏諫武宗巡遊。廷杖奪俸。遷四川按察僉事。番寇阿戎叛。據石城。討平之。轉少叅播州。有宣尉兄弟相賊殺。咸議用兵。槩獨往諭。以禍福竟。悅服。繼轉河南叅政。時鎮守軍夜被殺。遺斧或疑屠者。王弼已誣服。槩取其斧。拭之無脂。膏。膩辨非屠者。立出之。人皆傾服。卒于官。

聶元濟正德中以通經舉知彭水。興學校。勸農桑。以德化人民。懷遺愛。建祠祀之。

按舊志無聶元濟傳。茲採省志補之。但辟薦內有聶濟以通經舉知縣。有政績。或卽其人歟。

李彥字邦直。湖茫人。正德戊辰進士。授歙縣令。革靡侈。均徭役。興學校。有諸生柳姓者。鬻兒事母。特捐俸構室周之。殿元唐臯爲作寒士歡頌。尋擢太僕丞。陞本寺少卿。馬政修舉。恩錫金幣。後以直忤當路。出平樂府守。平樂鄰徭獐歲苦用兵。乃設方略擒戢之。郡俗喬野及彥至。民始知學。登雋者亦始有人。撫按采異政十二事。上聞擢閩都運使。通商惠民。所至有生祠去思碑。卒于官。生平孝友。禔身清白。與人交始若落落不合。終未有不心服者。

陸時通字行之。邑郭仙音巷人。登正德辛未進士。授行

豐城縣志

卷十二 人物

十二

人陞監察御史。首陳正國體。廣聖學六事。時儲位久虛。奏請選宗室德義素著者。入宅京師。不報。巡江時。崇明黠寇爲梗。飭江防警烽望嚴捕緝之法。寇懼遁入海。逆濠潛爲不軌。疏發其奸。濠果反。力糾同列。選將練兵。以挫其鋒。濠誅論功。賚以銀幣。武宗親征。駐蹕南畿者。逾歲。疏請迴駕。辭甚懇切。復疏謂郊天告廟。朝覲廷試。皆祖宗成憲。必身親蒞之。不當以大臣攝上俞之。識者方以大用。相期尋宅憂卒。

喻茂堅字汝礪。以四川榮昌縣籍。登正德進士。知銅陵臨海二縣。以卓異擢監察御史。諫南巡。及疏都御史

王守仁擒逆濠功嘉靖初巡按陝西發總兵李隆曠戍卒殺巡撫許銘狀又請復設總督拂貴臣意出爲眞定知府歷右副都御史撫治鄖陽改巡撫應天累拜刑部尚書

徐濤有孝行事親備極孝養親歿躃踊號痛居喪不御酒肉廬墓三年弘治間詔旌其門

江魚字惟化原名鱸湖頭人性穎異淹貫經書工制舉業尤肆力於詩古文詞督學李崆峒首拔之爲易其名偕遊曲江小孤山更相唱和益竒其才領正德癸酉鄉薦授臨安府推官聽讞允平操持甚謹斷土酋

豐城縣志

卷十二 人物

十三

疑獄得情繩以法多方求宥不得賄左右置毒食中遂暴卒卒時囊無一錢當道及諸縉紳賻贈始克歸葬臨安懷其德政刻碑記之所著有雨窓集藏於家楊銓字仲衡邑郭人登正德甲戌進士授襄陽令有政聲用薦陞南京監察御史以逆濠變疏革鎮守補鄉科復陳八事俱切時弊清戎兩廣酌鹽法軍政之利病罷行之陞興化守開誠秉公鎮懾奸慝郡有獄無冤滯門無請謁之評丁外艱士民素服號送者幾千人至脫其草履懸之市樓復建生祠立碑以寓思焉服闋補成都歷河南按察使陞廣東布政時安南莫

登庸倡亂。廷命重臣徂征。登庸乞降。重臣慮夷情叵測。廼使銓出鎮南關。審覈誠僞。至其地。宣揚威德。登庸感化。納款。願舉國聽命。事載平交錄。未幾有黎寇。重臣復奏留銓。經略之事。平。陞順天府尹。以疾乞休。致仕。卒於家。銓。字豐采。凝峻。才宏而敏。卓有清操。爲寮采。鄉邦所稱服。

葉香。字惟德。釗之子。早喪父。有感。輒號泣不止。竭力事母。母性嚴。香務得其歡心。母疾。躬調湯藥。終夜不解帶。妻稍不若于母。卽同跪寢門外。母怒不釋。輒遣歸。逾年。母爲買妾。從之。竟未一御。母問其故。泣曰。顧妻

豐城縣志

卷十二

人物

十四

尚未可絕耳。母感言。令卽日歸之。尚書潘潢時爲分守。上其事。詔旌其廬。新建魏良弼稱之曰。孝行聞於朝野。風表化諸鄉。閭弟秩亦以孝名。

丁袍。字天袞。牯牛背人。正德初。由國子生任鄞縣丞。事上。臨下必以誠嘗。雪誤。罹死獄者七人。又海運遭風。多所連逮。袍訊得應免者數十人。請釋之。皆若更生。尋以母病乞歸。寧波府志稱鄞丞。自元周仔肩以後。幾二百年。僅一見此廉吏。

高宇。字弘望。邑鄞南巷人。性廉慎。端方少孤。家貧。克自樹立。遠近慕而師之。正德丙子。領鄉薦。任常德。推條

鄉約雪冤獄擒劇寇杜卿獲賊萬計。分毫無染。擢南  
刑部主事。歷員外郎中。凡九載。朝夕視事。不懈所判  
多勲。戚中官事。輒持正不阿。獄無冤滯。出守程番。捐  
俸修學。置學田社田數百畝。刻儀注飭武備。未幾改  
程番爲貴陽。適有宣慰司之變。宇挺身援之。卒解重  
圍。以治最聞。竟解綬歸里。行李蕭然。讀書講學。白首  
無倦。

李汝善。篠塘人。家貧竭力養親。自幼未嘗學問。孝出天  
性。父死哀毀骨立。迨葬。守墓三年。母喪亦如之。所廬  
墓處。洪水漲流。竟不去。有烏巢廬。蛇守戶之應。邑侯

豐城縣志

卷十二

人物

十五

李章。聞而旌之。卒葬母墓側。人稱爲孝子墓。

袁光儒。字醇夫。雩韶里人。年二十。領正德丙子鄉薦。謁  
選署海豐。教諭端範勤課。善於造士。令龍川約己裕  
民。口碑載道。後崇祀名宦。奏績行取。以同姓令被誣。  
風聞。在誤量轉保定通判。持清修絕。請謁督理馬政。  
釐革夙弊。巡按交章列薦。陞姚州知州。乞休致仕。作  
書荅僚友云。明年春雨一犁覓如齋者。於隴畝間。始  
得矣。如齋其別號云。

李浙。字邦秀。鏞之子。湖茫人。生有異稟。文學名世。廖龍  
灣竒其才。以賈誼方之。登正德辛巳進士。授南驗封。

司主事。調北禮部。歷儀制司郎中。疏奏多稱旨。會命選駙馬。搆誣謫全州判。攝龍游尹。不數月。邑大治。士民立石思之。調蘇州判。署篆崑山。辨朱姓人冤獄。稱神明。陞楚雄府同知。致仕歸。日與宗戚詩奕相娛。悠然忘世。生平豪邁。尚氣節。敦倫理。尤精研性學。著作甚富。惟刻百字詩行世。

杜洞字子鑒。博士華之孫。同知禮從姪。懷古道。博習文藝。有濟時才。任鞏昌丞。王陽明征思田。表使司軍。賞一年卒於軍門。陽明爲文哭之。且移牒諸郡。稱其清介。自持賢勞。茂著群屬之中。實爲翹楚。使人檢其行橐。蕭然無有。因厚給歸。其櫬。

## 豐城縣志

### 卷十二 人物

十六

陸時望字副之。仙音巷人。總角卽善屬文。弱冠益慷慨。有大節。嘉靖壬午舉於鄉。授直隸徐州知州。以勸學興禮爲首務。日引學宮子弟講論經術。手校藝文。自是州多文學之士。會章聖梓宮還葬郢中。道經徐淮。諸有司輒獲罪。時望從容應措。水陸並用。民無匱財。上有嘉勞。適河決大水。歲數不登。民苦流離。時望救死扶傷不怠。遂得安堵如故。又徐當江淮孔道。多惡少。輕剽掠。人患苦之。時望至。則肅行徼懸。捕賞盜賊。屏跡。境内晏然。治行爲天下第一。遂進階。朝列大夫。

加金紫蓋異數也。居州五載。政平訟理。厭權貴。漁獵累疏乞歸。徐人刻石頌德祠之名宦。

李瑞芳字時禎。曲江人。領嘉靖壬午鄉薦。初令武義。多善政。以母憂去。再令永興。值大荒。倣周禮。弛役緩征。嗇神殺禮。積粟之法。民咸賴之。尋丁父艱。哀毀骨立。服闋。令華容。清如止水。邁毀。調淮揚教授。振興士類。却贄金兩朞。陞承天府通判。諸青衿壞之。時立碑學宮。蒞承天。留心民膜。未幾致政歸。所在俱祀名宦。

陸夢麟字文瑞。仙音巷人。竒穎嗜學。與弟夢豹相師友。李崧峒督學江右。以詩文見知。嘉靖癸未登進士。授

豐城縣志

卷十二 人物

十七

廬州推官。行取陝西道御史。巡歷雲貴。上疏言三事。一曰聖學。先以伯王道襍。求治太急。而進之誠意正心。二曰納諫。乞優容詔獄諸械繫謫竄者。尤惓惓以前星未耀。調息聖躬爲言。三曰用人。欲息專恣。拔淹滯。舉羅欽順。王堯封。呂枬。鄒守益。毛伯溫等十人。時論韙之。時巡按行部。新有清軍之命。夢麟疏舉將材。嚴飭邊備。苗洞肅然。上賜綵幣。賚諭有加。繼以疏糾執政。奪官閒住。里居二十餘年。同楊文恪。范存所。鄒東廓。講明聖學。省試條鞭諸大務。拜邑中關。大利害事。悉就咨請。夢豹字文蔚。嘉靖甲辰進士。工部主事。

督理清江浦漕廠。是時初罷衛河廠。總隸清江事。既增劇歲。又大侵。木值涌貴。更新復全。運額倍於前日。夢豹慨然受事。酌便宜。權預貸。革火耗。却請謁。凡奸人借冒牙儉。侵欺稅課。隱漏皆釐正之。漕艘一萬一。千有奇。費數萬。咄嗟而辦。漕儲以濟。權紳某。巧結奸商。濫取木料。夢豹槩繩以法。遂爲所中。影射前任事。詞連及之。夢豹抗疏自明。時總漕喻陞工部尚書。言于朝曰。漕政壞極。陸主事整頓一新。奈何以取怨見擯。後來任事者。何以勸比。考績雖見直于銓注。然卒爲所沮。抑年幾八十。友恭不替。尤稱二難。

豐城縣志

卷十二 人物

十八

黃潯字世清。號南松。荷塘里人。力崇正學。領嘉靖乙酉鄉薦。初授彰德府。推郡無冤滯。口碑嘖嘖。用臺臣薦。預行取以不阿。時抑倅毘陵。著吳中水利書一冊。垂永賴。利秩滿。陞許州守。除商稅紓里甲。裁抵贖省敲扑。民有青天。黃母之謠。許俗多嫌貧。退婚爲置官亭一座。訟其事者。張鼓樂勸之完娶。俗遂變政。暇聚生徒。考究經義。出所注禮記。指示之。尋以勤勞。遘疾卒於官。民悲哀罷市。士夫有民病方。瘳公病深。黃堂驚見福星沉。寇恂再借應。無日。楊震空憐不受金之句。以誅其賢。肖像祀祠學。使達其道。採輿論祀之名宦。

李逢字邦吉。隲曾孫。嘉靖己丑進士。授紹興府推官。有廉明譽。擢兵科給事中。大同叛卒據城。逆命言者以用兵激變。歸罪總督劉源清。下獄。逢上疏申救源清。乃得免。復疏減光祿糜費四十餘萬緡。進戶科左給事中。偕同官諫南巡逮繫。謫永福尉。遷瑞安尹。歷德安知府。爲政以正綱紀。重教化爲先。黷吏黠民持法不少。假禔躬清肅。境內凜然。卒祀名宦。

李遂字邦良。隲曾孫。逢之弟。弱冠從歐陽德學。登嘉靖五年進士。授行人。歷刑部郎中。錦衣衛送盜十三人。遂惟抵一人罪。餘皆辨釋。東宮建赦天下。遂請列大

禮大獄。諸臣於赦令中。尚書聶賢懼不敢。乃與同官盧蕙請於都御史王廷相。廷相從之。事雖報罷。議者嘉焉。俄調禮部。忤尚書夏言。因事劾之。下詔獄。謫湖州同知。三遷衢州知府。擢蘇松兵備副使。屬遷廣東按察使。釋囚八百餘人。進山東右布政使。江洋多盜。遂遷右僉都御史。提督操江軍政。明盜不敢發。掩荅犯京師。召遂督蘇州軍餉。未謝恩。請關防符驗。用新銜。帝怒削其籍。三十六年倭擾江北。廷議以督漕都御史兼理巡撫。不暇辦寇。請特設巡撫。乃命遂以故官撫鳳陽四府。時淮陽三中倭。歲復大水。且日役民

輓大木輸京師。遂請餉增兵。恤民節用。次第畫戰守計。三十八年四月。倭數百艘寇海門。遂語諸將曰。賊趨如臯。其衆必合。合則侵犯之路有三。由泰州逼天長。鳳泗陵寢驚矣。由黃橋逼瓜儀。以搖南都運道梗矣。若從富安沿海東至廟灣。則絕地也。乃命副使劉景韶遊擊邱陞扼如臯。而身馳泰州當其衝。時賊勢甚盛。副將鄧城禦之敗績。指揮張谷死焉。賊知如臯有備。將犯泰州。遂急檄景韶陞遏賊連戰。丁堰海安通州皆捷。賊沿海東掠。遂喜曰。賊無能爲矣。令景韶陞尾之。而致賊於廟灣。復慮賊突淮安。乃夜半馳入

城賊尋至。遂督叅將曹克新等禦之。姚家蕩。通政唐順之副總兵劉顯來援。賊大敗走。以餘衆保廟灣。景韶亦敗賊印莊。追奔至新河口。焚斬甚衆。廟灣賊據險不出。攻之月餘不克。遂令景韶塞塹。夷木壓壘。陳火焚其舟。賊乘夜雨潛遁。官軍據其巢。追奔至鰕子港。江北倭悉平。帝大喜。璽書獎勵。賊駐崇明三沙者。將犯楊州。景韶戰連勝圍之。劉莊會劉顯來援。遂檄諸軍盡屬顯。攻破其巢。追奔白駒場。賊盡殄。時遂已遷南京兵部侍郎。論功予一子官。賚銀幣。御史陳志勘上。遂平倭功前後二十餘戰。斬獲三千八百有奇。

再予一子世千戶。增俸二級。蒞南京甫數月。振武營軍變。振武營者。尚書張鰲募健兒以禦。倭素驕悍。舊制南軍有妻者。月糧米一石。無者減其四。春秋二仲月。米石折銀五錢。馬坤掌南戶部。奏減折色之一。督儲侍郎黃懋官。又奏革募補者妻糧。諸軍大怨。代坤者。蔡克廉方病。諸軍以歲饑。求復折色。故額於懋官。懋官不可。給餉。又踰期三十九年二月。都肆日。振武卒。鼓譟。懋官署。懋官急招鰲。及守備太監何綬。魏國公徐鵬舉。臨淮侯李庭竹。及遂至。諸營軍已甲。而八予之銀。爭攫之。懋官見勢洶洶。越垣投吏舍。亂卒隨

及鵬舉。鰲慰解不聽。竟戕懋官。裸其屍於市。綬鵬舉遣吏持黃紙。許給賞萬金。卒輒碎之。至許犒十萬金。乃稍定。明日諸大臣集守備廳。亂卒亦集。遂大言曰。黃侍郎自越墻死。諸軍特不當殘辱之。吾據實奏。朝廷不以叛相誣也。因麾衆退。許復妻糧。及故額。人昇之一金。補折價始散。遂乃托病閉閣。給免死券。以慰安之。而密諭營將掩捕首惡二十五人。繫獄。詔追褫懋官及克廉職。罷綬。庭竹。鰲。任。鵬舉如故。遂以功議擢。止誅叛卒三人。餘戍邊衛。而三人已前死。遂歎曰。兵自此益驕矣。未幾江東代鰲爲尚書。江北池河營

卒。以千戶吳欽革其幫丁毆而縛之竿。幫丁者操守卒給一丁。資往來費也。遂已召拜兵部左侍郎。以言官薦擢南京參贊尚書鎮撫之營。卒惑妖僧繡頭復倡訛言。遂捕斬繡頭申嚴什伍。書其名籍年貌繫牌腰間。軍乃戢。既又奏調鎮武軍護陵寢。一日散千人留都。自是無患。越四年。以老致仕歸卒。贈太子太保謚襄敏。

黃思字益民。琥之子。屢試於鄉不第。由例貢授判高郵職掌馬政。時豪強隱避厲貧。民因廉其弊。條議馬歸於糧。糧出於田。貧富適均。當道嘉許。著爲令。巡按李

東特疏薦其事。嘉靖甲申。江北饑。民死者填委。思白當路。請出庫帑數千緡。鬻米爲粥。令民廉幹者分賑。所全活數萬人。席書北上過淮。聞狀言於朝。摧荒政爲北河第一。思有歸志。巡撫高友璣保留陞浙江武義知縣。益勵清儉。釐正鹽鈔。積病民間。有再逢名父之頌。賊首徐榮剽掠境內。方議用兵。思密計擒獲。不煩一鏃。武俗故溺女。嚴爲諭禁。俗以丕變。宋儒呂東萊祠墓久爲豪民侵沒。察實。懲奸清復舊址。爲廟祀之。仍置守焉。尋忤當道而歸。以議論風節重於鄉。朱尹簞胡尹汝翼咸尊禮之。

涂楛字良翰昇之子。少值父憲副厄於逆瑾。勤苦力學。登嘉靖己丑進士。授工部主事。歷員外。理榷政於荆南。往者率以利墨。楛秋毫不染。振弊剔奸。商人德之。遷都水郎中。督理河道身。處盤錯克以才著。擢廣東按察副使。甫履任。會討交趾。握兵海道以應。事平拜欽賞嗣。爲按臣所搆。聽調歸。楛剛介不諧於俗。窮約終其身。而雅度暢達泊如也。

孫世祐字元吉。同造人。登嘉靖己丑進士。授行人。轉司副。陞刑部員外。訊獄原情。比律大司寇。唐文襄雅敬之。擢僉憲兵備海北。交趾乞降。贊毛大司馬納其款。

豐城縣志

卷十二 人物

二十三

陞雲南少叅。轉湖廣憲副。握臬篆。值楚世子變。鎮以靜。世子竟伏辜。撫按交疏。列薦。歷貴州叅政。湖廣按察司右布政使。尋轉左布政。平物價。均賦役。摘發奸伏。殆盡。廷推撫留。都總督蘇松糧儲。以丁內艱。不果行。服闋。起撫滇南。先是。土官豪恣。禍變相踵。世祐約黔同緝。逋猾諸難悉平。土官蔭補舊。詣京結勘。疏請從近。結部率爲例。凡所釐革。皆有裨治。體晉留都少司空。時倭夷江寇並起。城堞有頽圯者。悉繕修完。密恃以無恐。召爲少司寇。濱行而卒。恩賜葬祭。世祐簡重。垣易不激。不隨有古長者之風。

朱冕字文中嘉靖己丑進士。知福清縣。廉潔自持。政有利於民者。殫心力圖之。陞刑部主事。以執法招怨。調無爲州。同去之日。民卧轍攀留。終揚州府同。雖才未竟于世。而約己厚人。鄉評重焉。

黃國用字良弼。荷塘人。曾大父暹舉經明行。修國用。領嘉靖辛卯鄉薦。知惠安縣。值旱祈禱。甘雨隨車。以憂去。服除補東明縣。清若岩盜平。河北差政多卓異。擢御史。按兩淮鹽政。疏濟邊寬商。恤竈弭盜安民五事。報可。復巡河。會河決房村。陳濬草灣柳浦灣以開河道。疏徐呂二洪以上枝溝以殺河勢。功成當時賴焉。

豐城縣志

卷十二 人物

二十四

北巡京畿不避權貴。卒中之謫。判嘉定。再知欽州。卒於官。

李與同。篠塘人。幼倜儻。通書史。父喪。傾橐營葬。遺產厚。與兄弟爲永新掾。七日棄歸。好義。踈財。廣賙恤。宗族緩急多倚賴。疏屬子背母亡去。爲迎其母。養於家。卒求諸境外得之。撫從子萬員。婚教如己子。里中大水沉竈多餓夫。乃操舟載糒糧。就而食焉。有喪不能舉者。輒助以殯殮資。晚年築別墅。延賓談名理。暨史傳忠孝事。娓娓不倦。其族襄敏。於人少許。可獨推重焉。雷禮字必進。號古和。誠元孫。自幼志在天下。登嘉靖壬

辰進士。授興化推官。所讞獄多竒中。民頌之如神明。再任寧國府。太宰許文簡廉其卓異。擢吏部主事。歷考功郎中。居銓曹。以訪人才賢否爲本。歲當大計。主考功黜勢家私庇十四人。方士陶仲文素怙寵。恐嚇諸司。及稱少師。九年欲部考峻。拒不爲引。奏時相欲還所親。邳州守官執不可。而相奴犯分干以私笞辱之坐。持法失貴臣意。謫大名府通判。累陞浙江提學副使。請託不行。最稱得士。浙中評爲國朝文宗第一。遷太僕太常少卿。順天府尹。條陳馬政民瘼等事。俱先行。陞工部侍郎。叙修天壽山盧溝河功。晉右都御

史。尋轉尚書。提督三殿。營建計功成。樽省數十百萬夫役。輦載不擾畿民厥。後疏罷陽德門外萬歲山前各造宮殿。阻修南宮。及西海子營作十數所。止玩芳亭鑿池。與停建興都行殿。皆荷旨俞。納景藩。請荊州榷廠。河泊官洲。執奏國稅。不可與王事。遂寢。世宗簡注有忠敬勤敏之褒。每稱冬卿不名。欲畀以圖書。密啟事固辭。奉詔加太子太保。歷階少傅。賜蟒龍等服。隆慶初。乞休不允。時內監多違例題派。而皇親李偉。奉聖柴氏。恃恩陳乞房價。一切報罷之。司理大監滕祥。煽威傳造器物。率指名尚方科。脇所司必從。禮抗

章暴其罪狀并求去。疏十七上。獲致仕臺諫交章保留鍾侍御疏。謂雷禮之去。必有不得行其志者。詞尤剴切。歸田逾一紀。足不履城府。崇約養素於聲華勢利澹如也。性嗜學。涉獵群書。尤明習朝典。與鄭端簡俱以博洽聞。著述甚富。天下宗之。卒年七十有七。訃聞。上輟朝嗟悼。贈太保。諭祭九壇。遣官督葬。

郭希顏字仲愚。旗塘人。幼穎慧不群。嘉靖壬辰進士。選庶吉士。授檢討。擢右贊善。疏引七廟四親之制。謂獻考當入四親廟。而奉孝宗于世室。遷武廟于別宮。以示姪不祀伯。弟不祀兄之義。奏上頗稱旨。內批希顏

所陳亦人臣之心。嚴相嵩嫌其軋己。遂陰撓之。旋改中允以考察調通判。稍遷運副使。復持往日所著廟議進。并劾嵩有旨切責不罪。遂移疾歸。既家居見東宮虛位。景王未奉外藩。又上疏。其略云。往歲讀聖諭。欲建帝立儲。臣曰。立儲難莫若安儲。何者。君相相信則儲安。兄弟相保則儲安。父子相體則儲安。相信有道。釋疑是也。相保有道。分封是也。相體有道。總攬是也。何謂釋疑。自言者倡爲二王面陳嚴嵩之說。臣恐二王與嵩皆有疑心。皇上何不降德音諭元輔不必疑於王。諭二王不必疑於嵩。則君相相信。儲可得安。

也。何謂分封二王同處京府。智與年長防不預設。聖明早斷及時。勅遣親藩就國。周其衛翼。殊其寵數。於制於情。似爲兩盡。則兄弟相保。儲可得安也。何謂總攬時事。非高枕之日。而聖父又非倦勤之年。分封之典既定。留都之意已明。願皇上端拱以順天人。從容而議建立。則父子相體。儲可得安也。內外各守屏翰。彼此永無嫌疑。宮中問省之箋。不時而進。麾下富貴之想。何由而生。疏奏坐建帝二字忤旨。詔卽江西處斬。傳首四方。希顏好危言竒策。比以廟議故中廢家。居。發憤指切。君臣父子兄弟之間。卒受誅死。天下傷。

豐城縣志

卷十二

人物

二十七

之隆慶初。卹贈光祿少卿。予祭廕子。

劉建字茂中。邑郭大街人。充裔孫。弱冠領嘉靖甲午鄉薦。嘗論學以孝弟忠信爲真修。弗當以聲利溺志。授汀州推官。興學校。捐俸給。多士會文評第。不爽衡鑒。汀苦虛糧。條議履畝清丈。積困頓甦。屬邑有淫祠。申請撤毀。民始不惑。承檄禦倭泉州。便宜賑卹。全活甚衆。部議行取。丁外艱歸。服除。補青州府。殲顏鎮劇盜。均臨胸。差徭所至。絲毫不染讞決。多所平反。有絕好官人之謠。汀青兩郡俱生祠祀焉。諸當道前後列薦。僅轉別駕。致政歸。獨坐小樓三十年。足跡不出戶限。

雖隣里有不識面者。生平節操玉潔冰清。不治生產。待昆季敬愛深摯。年八十二卒。遺命勿作佛事。

黃炯字文實。東城人。性溫粹。有大節。弱冠領嘉靖甲午鄉薦。授武岡知州。州治徧宗藩長吏。每苦掣肘。炯悉裁以法。強宗斂手以廉明著聞。會歲大祲。加意賑恤。民失火。幾及公堂。拜而顛天風立反。撫按交章薦遷。温州府同知。溫濱海時倭警。正劇督餉治兵。有成畫。總督趙炳然疏其勞。特荷欽賞。在郡署屬邑殆徧。所至有遺愛祠。轉山東運司同知。尋陞慶遠知府。臨行。上帑羨千餘吏請曰。此無故事能不爲代。至者妨乎。

豐城縣志

卷十二

人物

二十八

炯曰。吾知有公不知有他都御史。龐尚鵬疏薦有清。修無間始終之語。先是慶有土官韋竒邦叛亂。甫至。設機擒戮。郡境安堵。已而修學置倉。編甲申約。慶大改觀。以兩廣大征勞瘁。卒于官。

李璣字邦在。號西野。南溟元孫。幼卓犖。有大志。年十二。通聲律。詩文多竒句。弱冠淹貫經史。張東沙督學江西。以臺閣期之。嘉靖辛卯領鄉薦。乙未第南宮廷試。策萬餘言。如藩祿未理。工作大濫。刑罰失平。軍伍不充。俱切時弊。末復歸於正。聖學開言路。無少諱。世宗御批曰。讜賜二甲第一。復命刻其試策示天下。選庶

吉士。晉編修。迎父萬古。至京就養。父卒哀毀。骨立扶。櫬南歸。服闋。補舊官校錄。歷代史籍。尋陞左春坊。左中允。署國子司業。奉命纂修會典。丁母艱。服除。陞左諭德。明年陞國子監祭酒。嚴規條。端矩矱。每進諸生。示以檢身心明理道。尤抑上書獻頌之風。諸生有遠方寒窘不能自存者。卹之。陞南京吏部侍郎。適倭薄京城。璣監督正陽門城守。指授防禦方畧。老將遜服。轉吏部左侍郎。兼翰林院學士。掌詹事主會試。所取多名士。除南京禮部尚書。時分宜當國。有諷。璣少需留北者。璣謝曰。南北皆官也。矧君命乎。若朋附以圖

富貴。此生平所深鄙也。至南倡諸卿。敦儉素。以易靡俗。屢疏致仕歸。屏跡杜門。扁其堂曰來復。複製六箴。以自警。璣樂易洞達。不設崖岸。人皆庇其德。宇而操守嚴介。門下士有職清要者。不以書往。嘗爲史官典內學堂教事。其後中官多貴幸。亦不受其餽。問居家極友愛。與弟璘相師友。奉孀姊終其身。以疾卒。訃聞。勅有司營葬。遣官諭祭。邵督學祀之鄉賢。著有西野遺稿二十餘卷傳世。

范慶字元會。邑鄆人。嘉靖乙未進士。授刑部主事。歷員外郎中。論法明允。決武弁奪爵事。不爲權貴所撓。奉

使勘晉藩獄情法兩盡。出守姑蘇。禁火葬。革酒航。捕  
樗博。止遊女。惓惓以移風易俗爲先。禱雨輒應。救荒  
全活甚多。任五載。請托不行。陞雲南副使。爲仇隙所  
構。隨歸。日與同志者講明良知之學。卒祀鄉賢。

杜士希。名晞。以字行。侍郎拯州守。搢之父。事繼母孝友  
愛。諸昆婚。其衆子讓祖父遺產。與之姊孀居。不能自  
存。割耕地以全其節。族黨友朋艱於婚嫁。及無力殯  
埋者。悉竭力措置焉。伯子拯。讞獄粵東。誨以恕。拯奉  
教。故多平反。及理王聯大獄。忤權相罪謫。又誨以聖  
明在上。毋以萬里爲憂。季子搢。守臨清。家載米養其

豐城縣志

卷十二 人物

三十

廉嗣。受伯子封。南京兵部侍郎。累賓鄉飲。年八十卒。  
荷卹典諭祭葬。有克崇孝弟。敦詩說禮之詞。

涂質。煥峻之子。性醇厚。克承家學。勵行介潔。非義所在  
一毫不取。親厚有急。雖鬻產周之。弗吝。父卒於官。徒  
跣奔柩。媿不逮養。刻木肖像事焉。鄉黨僉推其孝。自  
是絕意仕進。杜門稽古。著有古愚集。

杜拯。字道濟。士希伯子。弱冠連第。登嘉靖戊戌進士。恩  
賜歸娶。官刑部主事。莊嚴有法。訊郭武定罪狀。俛首  
屈服。出讞廣東。宣上德意。情有可矜者。原之。河間王  
聯誣獄誅。連名公數十人。時分宜柄政。受聯賄。欲釋

聯拯執正不阿。卒寘重典。諸人得釋。遂忤分宜意。下錦衣獄。杖謫。尋論定歷。陞南文選郎。廣東少叅。福建海道副使。時海賊竊發。畏其威名遁去。夜過福寧。不敢犯。轉浙江大叅。刻海防圖示。汛肅知巡警。擢福建憲使。廣東左轄。適有柘林之變。諸司城守惟南門最當賊衝。拯乃親守南門。首寘越城。透漏者于法部衛。皆股栗所轄。庫羨悉充公修。一毫無私。取按院陳青田。稱其門如市。心如水。特薦之。調陝西。尋陞貴陽提督。都御史貴陽土官楊贊作亂。獍獰難制。拯提兵直搗巢穴。擒戮於市。荷欽賞。授應天府尹。屬縣爭納逋

豐城縣志

卷十二 人物

三十一

賦有告。截單解者。令詰之曰。前尹督征甚急。一無至者。今單截何也。民告曰。恐部爺陞去。浮費多。其廉明孚信於民。如此。陞大理卿。南兵部右侍郎。轉北工部左侍郎。尋以病乞歸。侍父疾。衣不解帶者。逾年。居喪哀毀。以廬墓卒。

徐南金字體乾。南源人。爲諸生時。多懿節。徐存齋甚加器重。登嘉靖辛丑進士。選庶吉士。授御史。首疏宜早建儲位。慎選輔導。清軍河南。疏陳申憲令。廣存恤。議屯政。足月糧。慎選練。振綱維嚴。禁例俱報。可初歸德州。隸開封。地遠。請陞爲府。以一事權。按廣西。釋冤獄。

有神君稱靖江王橫恣劾治其罪。古田諸獠獞盤踞  
決策用兵。蠻始靖驛傳法。敝爲立條格。禁濫應。時廣  
西守令鮮甲科。講以進士補藩臬大僚。請分南北以  
便服官。雜職微員請以本省人更府而任督學。京畿  
杜請托飭文體振作士風。疏言勤聖學以端化源。一  
政柄以杜專權。崇實政以覈吏治。裁冗爵以重名器。  
刷積弊以清畿甸。練京軍以重環衛。止煩供以甦閭  
閻。儲眞才以裕任使。陳奏愷切。再推卿貳。忤權貴。外  
補巡撫湖廣。值歲祲。極意撫摩賑恤。景府初封經理  
諸務。咸便於民。景府請自徵。所賜田力爭之。以屬有

豐城縣志

卷十二

人物

三十二

司有貴人侵民田。金執法還之。民終其任無敢干者。  
麻陽支羅盜起。督兵殲滅。嘉錄其功。其崇正道。表忠  
義。如論建各省祠廟。及革楚總兵官。執法懲貪。潔己  
率屬。風裁突然。以憂歸。服闋屢薦不起。爲文類廬陵  
詩類曲江卒。賜祭葬。祀鄉賢。

杜子麟字本厚。鶴村人。性孝友。竭力事親。生養死葬。不  
以煩諸兄。撫兄遺孤。婚育如己。子爲諸生時。督學張  
東沙廉其行。特檄縣獎勵。由歲貢任績溪訓。有周生  
爲誣黜。力白其事於督學。復之。尋擢科人。服其公。按  
院獎以行己有恥。敷教無慚。陞彝陵學正。多造就。精

衡鑑。時司空劉小魯尚困處不偶。首拔取期以遠大。後果連策。位躋台輔。署州正。州當孔道。諸務旁午。愛養民力不少。狗豪貴。州人惠懷稱善。治當道有學植。殊茂。耿介不阿之目。終福州教授。以老致政。歸杜門。謝客。不輕入公室。累賓鄉飲。僅一就禮。日吟詩陶情。與族諸老爲社。年八十五卒。所著有碧潭遺稿。

雷逵。字時漸。鐸舍人。裕之子。登嘉靖辛丑進士。授太平府推官。以妙齡歷吏事。發摘奸伏如神。爲嫻於簿書者。不及視篆。繁昌值歲饑。賑活無算。屢薦。召擢兵部車駕司主事。所司郵驛符驗。及皇城宿衛士類詭冒。

豐城縣志

卷十二 人物

三十三

不可詰。一裁以法。人不敢以私干。歷武選員外郎中。出守廬州郡。廬當南北孔道。賦役繁重。逵劑量調停。又躬自節約。以先諸屬民。不告病。陞四川憲副。駐治重夔。會播酋稱亂。用兵征剿。總督馮悉以軍務咨逵。果獲大捷。尋轉浙江大叅。值外艱。哀愴逾制。服闋。補湖藩分道。荆岳。時江水汎溢。竭力隄捍。民免魚鱉。廉憲山東。日取囹圄囚庭鞫之。無伏冤。轉山西右布政使。晉宗室繁多。祿俸告匱。逵與左轄委曲。區畫汰冗。兵通鹽利。以裕祿。給諸路逋課。累積奉撫。檄冒寒。按部得餉八萬石。邊民懽呼曰。非雷使君。孰活我耶。逵

邃學雋才。行誼峻潔。勲業表著。不負平生。竟以職事受瘁卒於官。

丁檣字時健。鍊之孫。純謹端飭。宗黨以孝友稱。學究百家。潛心理奧。恥干譽。獵取督學。何賓岩廉其姪。修令邑。優復如禮。晚以吟咏自怡。著有養心錄等書。

雷賀字時雍。郡倅。述之子。博學善文。歷試冠多士。登辛丑進士。授池陽推。讞獄詳明。無留滯。奉檄賑諸郡。全活甚衆。召拜南吏科給事中。兩考察方面。秉公論核。不以愛憎爲取舍。疏中官邱得不法。伏其辜。條陳時政十二。會文切理。動中時弊。擢湖廣少叅。督太和山。

豐城縣志

卷十二 人物

三十四

事。適營繕祠室。中官緣是爲漁獵。賀厲禁節費。而工竣。欽勞。以銀幣摧河南憲副。理河道。叅藩于楚。總臬於浙。歷粵。汴左右。轄擢右副都御史。巡撫四川。以在汴。與按臣相訐。待勘歸。甫月餘卒。賀悃悞無華。不事忍澠。宗黨莫不推爲長者。入官二十餘年。不求赫赫名而去任。輒見思云。

黃進字可思。城南人。生而穎異。爲諸生時。詞義出人。意表。主司每見稱竒。邑堤衝決。不時苦於修築。進特謁巡撫。建議宜開西河以殺水勢。識者服其見遠。世宗朝。詔選異才。刻文開宴。悉倣鄉試。時稱得人。進應新

命。上春官肄業南雍。值親喪弗第。謁選得廣程鄉民。程故僻而多盜。進至勵風俗。弭盜賊。興學校。修河渠。民風丕變。歌頌之聲四訖。報政後。以二親未葬。乞休歸里。經紀葬事。上下山原。不避雨暑。重以憂傷。遂疾不起。年五十三。著有江南遺稿。

涂鉉字廷舉。東城巷人。登嘉靖甲辰科進士。殿試二甲第一。初授禮部主政。歷員外郎。陞四川重慶知府。鉉才識敏贍。會郡大旱。民多莩徙。調發倉粟數萬石賑之。全活甚衆。先是權相擅政。鉉以傳臚初第。歷官禮曹。矢懷孤憤。不投片刺。卒忤權意。左遷六安知州。未

豐城縣志

卷十二 人物

三十五

幾罷歸。晚年長於吟咏。著有鏡湖詩稿。龍光書院講義等集。孫尚德舉萬曆戊子經魁。

萬化字一中。號復吾。學前人。幼孤。性敏捷。學通經義。於性命淵微。罔不深究。爲文逼真。左國操履峻毅。一以古人自處。室中有金穴。家衆啟之多爭取。化鄙爲無義之獲。概置不較。其弟任銓。曹會例可援科。貢入仕。或有愛而助者焉。辭曰。吾誦法孔子進退有命。敢以詭遇耶。因有揮鋤金穴。薄視聲華之咏。鄉之後進。有不知爲復吾先生者。恥之。其孫葉蕃。尤邃於學。弱冠卽餼於庠。風規雅正。德量超越。時皆推爲重器。未幾

卒。識者咸爲之悼惜。

吳金字礪伯。應瑞孫。嘉靖間。知建寧。潮汀賊蠡起。練鄉兵固守。每戰輒斬獲。奪回所虜男婦甚衆。

陸于嘉字伯孚。仙音巷人。性醇厚。端默。處家庭敦孝友。禮讓博洽。經史能詩文。尤精易學。領嘉靖丙午鄉薦。授湖廣竹谿尹。谿故僻遠中土。士鮮明經。乃捐俸修學宮。設講筵。嚴程課士。有不給輒助之。踰年。衣冠文物一新。始有登雋者。拊循小民。藹若家人。婦子首裁里甲均丁。差寬賦釋負。困清刑。民德之。爲立去思碑。以疏節見忤。左遷尋。轉河南布政司理問。方伯莊豐城縣志

卷十二 人物

三十六

雅重其才。力薦於撫。按期超擢之。遭疾卒於官。徐正之字子正。火巷人。名擅藝。場試輒高等。大司成胡杰嘗從之遊。由明經。授徽郡學博。造士有方。汪中丞尚寧嘉其績。有贈言。僅朞致仕。歸杜門養靜。舉鄉飲固辭。生平行端。飭與人交。忠信樂易。同修豐乘人服其公。稱爲淳正之士。

李東華字景曉。湖茫人。煥之孫。少穎敏。能文。登嘉靖癸丑進士。三甲第一名。授太常博士。陞工科給事中。奉命董大役。工竣。詔增俸。歷遷禮科都給事。多所建白。嘗上疏有精考課四事。曰布公道。以飭綱紀。稽素行。

以辨名實。明法禁以息浮議。存大體以惜人才。有理時弊五事。曰通錢法以足國用。查解納以杜奸欺。慎出納以清弊源。議委用以專責成。清賦額以養民力。凡飭學政慎科舉。諸疏皆鑿鑿裨國大計。年甫四十卒於官。卒之日無以爲殮。姻朋助之始克殮。

李東苹字景瑞。都給事東華弟。嘉靖丙午與兄同舉於鄉。六上春闈不第。因都諫已逝。二人春秋高思得一日祿。養承朝夕歡謁。選得守興國州。調普安。丁內外艱。服闋補安寧。時楊督撫喜用兵。多所誅戮。東苹委曲全活甚多。尋攝鹽井提舉。盡却鹽商常例。兩分校豐城縣志

卷十二 人物

三十七

鄉闈前後共錄五人。不拘取額。一以文爲衡。遷襄府長史。進退以禮。王甚尊禮之。題加四品服俸。會王薨。哀慟致疾卒。旅櫬還里。其家蕭然。

胡杰字子文。旗塘人。天資絕倫。書過目趣成誦。十六遊郡庠。時徐存齋督學江省。最號知人。於諸生中尤器杰。稱爲竒才。領嘉靖癸卯鄉薦第一。丁未成進士。改庶吉士。館試時政疏杰疏六事。曰謹好尚。重將選節。冗費容直言。抑宗藩。廣錄用。中有近習挾符籙識緯之術。坎離龍虎之說。妄引巧售以欺等語。掌院張龍湖以爲切中時病。人所難言。己酉授編修。命冊封楚

遼二藩。盡却諸餽遺。癸丑會試。充同考官。得相國張蒲洲。尋教習內書堂。丙辰充廷試。受卷官。賜宴禮部。明年管誥。勅戊午以九載最陞侍讀。俄命清理武職。貼黃杰性至孝。且剛方侃直。不能屈意媚權貴。陳情乞歸省親。足迹不入公府。問學者屢滿戶外。逾年促詣公車。辛酉主應天試。所拔皆名士。申許二閣臣。其首錄也。會有言應天事者。左遷廣平府。倅楊督學。開漳川書院。聘主教。作成多士。尋論定陞南京太僕寺丞。移尚寶司丞。歷國子司業。左春坊中允。兼翰林院編修。校錄永樂大典書成。陞南京國子監祭酒。會穆豐城縣志

卷十二 人物

三十八

宗即位。杰自陳謏劣。不學不宜爲國學師。首罷。莫如臣者。不允。丁卯將行。視學曠典。念其學行俱優。乃召爲日講官。移北國子祭酒。具疏乞歸。奉旨養疾。庚午召爲南京太常寺少卿。尋陞通政司右通政。太常寺卿。以痰疾卒於途。東省巡撫疏聞。人惜其不及柄用。有流涕者。

黃肱。字文輝。城南人。學訓綿之子。幼承家學。以義經中。嘉靖甲午鄉試第六名。丁未成進士。授丹陽尹。丹邑最稱劇。且當孔道。肱專務德化。輕徭役。緩催科。蠲贖。緩興水利。身先節儉。以風侈俗。家載米自給。清約如

寒士。大司成姜寶丹人也。嘗語同邑李太史貴曰。黃公尹。吾邑止飲丹水。眞古循良吏。丹屢歲麥三穗。民以頌拙。拙讓弗居。去之日。民依依如失慈母。以守正忤權貴。稍遷廷評。悉心推讞獄。多平反理。卿雅重之。暇從歐南野講明理學。丙辰出僉閩憲。清屯剔蠹。豪強斂手。兼理兵事。守泉南會。倭寇突祀。拙擐甲登陴。將士用命。寇遁不敢近。撫按上其功。尋擢叅藩。議分守延邵汀漳。時山寇大作。三省驛騷。拙設險固。隅督兵擣穴。旣殲其渠。衆潰散。四郡寧謐。兩臺交章叙績。當峻陟。仍爲權貴所抑。止蒙欽賞。歷官十八。載不以

豐城縣志

卷十二

人物

三十九

家屬自隨。謝政家居。足不履公庭。拙天性雅粹。充以學力。生平言動未嘗踰矩。居常若不勝。衣至當官。處變有毅然必爲之勇。

賴守中。字淑時。孝弟坊人。甘貧博學。豪邁不群。領嘉靖己酉鄉薦。授湖廣衡州府推官。約己惠下。每讞獄。以哀矜爲念。平反者多。遷浙江杭州通判。郡當繁衝。伏莽可慮。守中申嚴。亭徼盜。賊屏跡。蠲稅南關。風教海寧。所至有惠聲。士民立碑頌德。構祠祀之。會與巡撫意不合。拂袖歸。遮道泣留者數千家。居潛心問學。賦詩適志。爲鄉黨推重。

孫燿字思晦。蔓之孫。性穎異。早失怙。侍治喪。遵古道。不用浮屠。弱冠遊憲。副涂樾門。復聞鄒東廓。守益倡明良知之訓。往師之。了然有悟。以聖賢自期。嘉靖己酉。舉於鄉。筮仕廬江。學博當道。獎以有古師儒風。應聘典廣東文衡。得士稱盛。陞虹縣令。邑最衝疲。民不堪命。下車日。卽陳裁煩擾。以甦民力。革科歛。以紓民財。諸事。民懷其惠。歸田十五載。非公事不入公庭。日親經史。督課諸孫。平生無疾言遽色。人矜式之。邑尹徐顧李咸高。其誼累舉鄉賓。

張益字順卿。社岡人。登嘉靖戊戌進士。授桐城令。多竒

豐城縣志

卷十二 人物

四十

績。值旱禱祈。輒應。清詭糧。置學田。吏畏其威。士懷其德。觀察入。薦擢刑科給事中。丁艱服闋。補吏科。條陳五事。報可。奉勅稽閩廣軍儲。會倭寇犯閩。募兵卒修器仗。地方賴以保障。晉兵科都給事中。壬戌典文武試。屢進讜言。抑大臣。奔競忤權左。遷大司馬楊虞坡。贈以文比之。汲長孺。歸無愠色。賦詩適興。手不釋卷。著有詩文奏稿。

夏栻字廷瞻。學正若水子。爲人孝友剛方。早喪母。善事繼母。初保護于其伯。若霖氏。若霖故豪邁。雅愛栻。栻厚感其意。伯卒。念及輒淚下。撫其遺孤。無異同懷。登

嘉靖戊戌進士。始仕行人。擢兵科給事中。時嚴相當國。人莫敢忤。兵部侍郎趙文華視師淮上。隱蔽賊勢。反以捷聞。棧上章糾之。有內寇未除。外寇必益。及欺君辱國等語。坐是爲嚴相子世蕃所憾。謫西嶺從事。在外數年。洗冤澤物。有夏青天之謠。尋以湖州貳守。拜台寧兵巡。適趙文華爲兩浙總制。操擅威權。人皆謂委肉投餓虎之蹊。棧弗避。台寧當倭寇出沒之衝。殘毀實甚。爲募兵積餉。修輯甯。文華欲撤去兵糧。以窘棧寇。終畏棧威不敢入。未幾有蒼梧之命。巨寇張連等盜弄潢池。僭王陷郡。張臬總戎兩廣軍務。悉

棧處分方略。檻其渠魁以聞。上賞資金幣。超遷湖廣副使。丁內艱。還廬。穆宗踐祚。補陝右徑。晉太僕少卿。大修馬政。與兵部尚書霍冀爭論抗疏。已復上封事六條。修朝講之實。肅郊廟之儀。慎燕息之容。隆心膂之托。重耳目之寄。專督撫之任。中間最觸忌諱。如穆宗好披甲乘馬。言官業皆謫戍。中寵臣滕祥煽威毆御史李道學幾死。衆莫之何。棧於二事尤憤烈痛切。疏上咸爲棧危三日。命下不之罪。以疾求去。甚力。上知棧忠。勅太宰楊博勉留者再。棧復以母周氏藁葬中野。乞歸改葬。詞極哀切。始得允。還家居。屏跡。養重

門生。故吏鮮見其面。撫按暨吏部交薦起用。堅卧不出。棧立朝不附權貴。直聲震天下。急流勇退。知幾不辱。祀鄉賢。

賴梅字汝和。邑鄆人。性端介。敦孝友。博通經籍。工古文詞。領嘉靖壬子鄉薦。授太湖知縣。政務寬恤。於強梗則嚴鉏弗貸。有宦豪姓强者。以非法誣家人死罪。羅織已成。梅得實。力伸豁之。甫三月。丁內艱。歸卜葬廬墓三年。服闋。補桂陽。蒞任。訪周濂溪故跡。修飭祠祀。加意勸學。多所成就。撫輯流徙。峒民獷犴者。歸附甚衆。豪民何曰。莘以弟殺兄。法當論死。重賂求釋。梅卒。

豐城縣志

卷十二 人物

四十二

按如律。陳按院上其績。一日以應給拂當道意。遂致政歸。囊篋蕭然。有冰蘖之聲。著有春秋題意耕讀埜稿。

李鍾字大宣。南湖人。惇飭廉隅。潛修尚古。痛弟邁危疾。斷指籲天。願與俱殞。早歲聞良知之學。鄒東廓王心齋皆以畏友稱之。年八十猶手不釋卷。臨終有八十年餘。世上行多凶。多懼。是平生之語。可以觀其戰兢惕厲。直窺理學之淵源矣。

胡師字道夫。旗塘人。領嘉靖壬子鄉薦。授句容知縣。性剛直。有清操。下車新學宮。役不及民。期月政聲四起。

屢膺薦當陞。擢會爲權要所阻。調寧德。寧經倭創後。瘡痍流亡。幾不可振。師至。招徠安集。烝誨士類。百度一新。嗣海寇竊發。四境戒嚴。高城墉飭舟師。多方備禦。寧賴以安。擢淮安通判。淮民競於鹽利。訟無停晷。師請於院。力懲其弊。公私饒益。漕院嘉之上。其事不數月。淮水泛濫。民洶洶竄徙。露處艱食。師急白當道。發粟賑貸。因冒暑勞瘁。卒于官。檢橐無以爲殮。漕院賻之百金。始克殮。

李貴字廷良。號浣所。南湖人。豕宰裕。元孫生而穎書。過目成誦。年十四。咏雪有粧成玉樹。三更雨老盡青山。

豐城縣志

卷十二 人物

四十三

一夜風之句。鄒東廓講學白湖寺。貴從之遊。遂悟性命奧旨。後先督學。每試必竒之。嘉靖壬子。舉鄉試第一。成癸丑進士。選翰林院庶吉士。採古名臣相業。先儒理學彙爲帙。日與同館尚論。尋授編修。丙辰奉命冊封衡藩。明年丁內艱。服闋補原官。時海剛峰瑞以戶部主事言事切直。觸帝怒。貴慨然曰。補過繩愆。非獨臺省職也。古起居注左右言動。皆得匡救。寧簪筆螭頭。備故事已耶。卽上疏論救。兩充會試同考。出其門者。多爲名臣。貴素有聲史局。特命董內書堂教集古闔寺可法者。名思齊錄。令其誦法。居編修館十九

年以守正不阿。爲當路所忌。出補四川憲副。疏乞歸養。居家著書講學。四方士翕然從之。嘗讀參前倚衡句。躍然有悟曰。鄒東廓先生作良知說。正與此合。遂作警學說。進知偈。又作日惕考。以稽所學。著有易經周禮左傳劄記。史記詩文序論文量議。鍾律圖車陣圖。并博採周濂溪程明道張橫渠朱晦菴陸象山政績。編集傳世。嘉靖癸亥。王尹徽猷延修邑志。名豐乘。劉迥字茂義。大街人。敦古嗜學。知出處大義。隱居不仕。嘗從鄒東廓講性學於龍光書院。論荅合旨。稱爲老友。尤以孝弟承其家範。人謂無媿月屋西澗云。

豐城縣志

卷十二

人物

四十四

徐貫字世元。花橋人。知縣守倫父。敦樸嚴介。率履無越。槩範杜門。時手一編。世俗紛靡。不以滓其襟宇。鰥居守義。特重鄉評。薦紳子弟多從之遊。識與不識。咸推爲困學先生。

李廷觀字明文。弟廷謨字明臯。南湖人。寶應令。累封大中大夫。瓚之子。父子昆弟師友一堂。於書無所不讀。俱以閎博名廷。觀登嘉靖丙辰進士。初授南京兵部職方司主事。歷郎中。陞浙江温州府知府。擢福建都轉運使。終河東都轉運使。廷謨登萬曆庚辰進士。例應授司理。時大司空某欲引爲桑梓重謨。固却得成。

都行取戶科給事中。轉兵工左右給事。侍從經筵。典雲南試。後外轉河南副使。終湖廣副使。兵備湖北。廷觀在南曹勵精職事。雖地處閒望。不以高談妨要務。及出守温州。廉察有威。至今龍湫雁宕之間。稱爲賢明。太守在轉運。地處膏腴。人人取潤。乃卻商人常例。爲豪商所媒孽。勁直清介。聞於天下。廷謨明習吏事。至成都。多所平反。永寧宣撫。奢效忠死。其妻妾以爭印相仇。殺兩臺。委勘六七輩。迄無成言。廷謨受命詣永寧。諭以恩威。二婦受盟時。署篆有西征之役。兼調播兵從征。兵馬錢糧倉猝倚辦。旣陟戶垣。疏上勸講。

訓儲爲經筵。名講官典。試道旋卽論列。黃梅大盜并治。河徙羌理財諸事。以聞。備兵河北。爲鄴增城浚隍。爲磁築渠堰水。兩地賴以爲利。移鎮叙州。時播寇方叛。拮据調度。不勝其勞。嬰疾請告。調湖北。苗獠蠢動。調兵轉餉。以見忌。同官求休。致初父瓚。令寶應。老成廉靜。以誠待民。召訟者至前。導以禮讓。人咸感悔。訟爲清簡。每春日勸農。躬詣隴畝。有古循吏風。在任三年。五祈雨雪。皆應。禱立至。人以爲善政。所感致仕。歸尚健飯。廷觀以都轉運歸里。廷謨以典試事竣。給假省視。太史啟美其猶子也。優游子舍。十有餘年。百計

求娛其親。發爲詩歌。後先應和。亦希觀事。廷觀著有  
四部稿。廷謨著有白雲窻草。惜陰評纂等集。俱行於  
世。

黃翰字可憲。參議拙之姪。弱冠登嘉靖丙辰進士。授刑  
部主事。辨疑決滯。爲練習老吏所不及。歷員外郎中。  
奉勅論囚北直隸諸處多平反。會同官董傳策上書。  
忤執政。禍叵測。方具疏申救。而董謫戍。命下乃空橐。  
以資其往。執政啣其不附己。遂出知永州府。至則復  
祝釐故所爲豪宗侵占者。捐俸創宗濂書院。進諸生  
日勤考課。更置學田若干畝。爲貧乏助。孜孜民瘼。早

豐城縣志

卷十二

人物

四十六

禱輒應。考最會監司。修父怨。欲殄道州之民。惡其執  
不可奪。隨中傷之。坐免歸。民遮泣如失父母。不遠數  
千里來問無恙。歲以爲常。更相率爲生祠祀之。家居  
十年。不履公府。巡撫楊成復命薦起。廢臣翰與焉。是  
歲卒。

袁均治性極孝。母病劇。醫藥幾不能投。均治引刀割股  
和藥餌以進。涕泣籲天。請命母病頓愈。雖未褒錄。亦  
足標俗云。

丁時選聘君傑之裔孫。事親至孝。更樂施予。督學王敬  
所以孝義表其門。

黃國靖。荷塘里人。遭繼母程私其所生。乘間譖于父杖  
幾死。國靖益小心敬事母。尋悔。父本和。被豪挾誣臺。  
使者捕之。急。本和體豐。懼刑。擬必死。舉家竄逃。國靖  
挺然以身代。有子僅五歲。竟弗顧。苦楚。備嘗事。得雪  
無。何以暴疾卒。先二日。遺從弟國華書曰。心不可不  
盡。身不可不勞。死以全親。獲死所矣。卒之日。年二十  
有四。鄉人憐而壯之。

豐城縣志卷十二終

豐城縣志

卷十二

人物

四十七